

〔日本書紀二十六〕元年，是歲蝦夷隼人率衆內屬，詣闕朝獻。四年七月甲申，蝦夷二百餘，詣闕朝獻，饗賜贍給，有加於常。略下

〔續日本紀一〕元年十月壬午，陸奧蝦夷貢方物。六月壬寅，越後國蝦狄獻方物。十月己酉，陸奧蝦夷獻方物。

〔續日本紀六〕元明，靈龜元年正月甲申朔，天皇御大極殿受朝。略中 陸奧出羽蝦夷。略中 等來朝，各貢方物。

〔日本書紀二十六〕四年七月甲申，詔淳代郡大領沙奈具那，檢覆蝦夷戶口與虜戶口。

賜姓

〔續日本紀五〕元明，和銅三年四月辛丑，陸奧蝦夷等，請賜君姓，同於編戶，許之。

〔日本後紀二十三〕弘仁三年四月庚子，出羽國田夷置井出公，皆麻呂等十五人，賜姓上毛野綠野直。

九月戊午，陸奧國遠田郡人勳七等，竹城公金弓等三百九十六人言，已等未脫田夷之姓，永貽子孫之恥，伏請改本姓爲公民，被停給祿，永奉課役者，勅可。唯卒從課役，難勸遺類，宜免一身之役，仍賜勳七等

竹城公金弓，勳八等黑田竹城公繼足，勳九等白石公真山等男女一百廿二人，陸奧磐井臣，勳八等竹城公多知麻呂，勳八等荒山花麻呂等八十八人，陸奧高城連，勳九等小倉公真禰麻呂等十七人，陸奧

小倉連，勳八等石原公多氣志等十五人，陸奧石原連，勳八等柏原公廣足等十三人，棕崎連，遠田公五月等六十九人，遠田連，勳八等意薩公持麻呂等六人，意薩連，小田郡人意薩公繼麻呂，遠田公淨繼等

六十六人，陸奧意薩連。

敘位

〔日本書紀二十六〕四年七月甲申，蝦夷二百餘，詣闕朝獻，饗賜贍給，有加於常，仍授柵養蝦夷二人，位一

階，淳代郡大領沙尼具那，小乙下。或所云授位二階，使檢戶口。少領宇婆左建武，勇健者二人，位一階，別賜沙尼具那

等，銷旗二十頭，鼓二面，弓矢二具，鎧二領，授津輕郡大領馬武大乙上，少領青蒜小乙下，勇健者二人，位

一階，別賜馬武等，銷旗二十頭，鼓二面，弓矢二具，鎧二領，授都岐沙羅柵造。闕名位二階，判官位一階，授淳

足柵造大伴君稻積小乙下。